



2026

Bargi ealáhatdorvvu ABC

Mii lea bargoealáhat?

Bargoealáhat sihkkarastá sisaboadu go leat boaris, leat bargonávccaheapme ja bearraša fuolaheaddji jápmima várás.

Bargoealáhatlágádusat mákset bargoealáhaga. Jus du bargoealáhat lea unni, de sáhtát oažžut ealáhaga maiddái Kelas.

Ealáhat čoggo barggus

Du bargoealáhat rehkenasto vuot bargokarriearat áigge bálkábargguin ja fitnodatdoallin. Ealáhat čoggo bálkáboaduin 1,5 proseantta jagis. Ealáhaga čoggon álgá 17-jahkásažžan.

Ealáhat čoggo dihto eavttuin maiddái buohcuvuođa, stuđerema, bargguhisvuođa dahje bearašfriddjavuođa áigge.

Iežat ealáhaga mearri

Bargoealáhatváldosis oainnát, gos dus lea čoggon ealáhat dán dássáži ja man olu. Dárkkis maiddái iežat dieđuid jeavddalaččat, ovdamearkan jahkásaččat. Dát lea dehálaš, go boahttevaš bargoealáhaga meari vuodđun leat bargoealáhatváldosa dieđut.

Árvvoštallama du boaresvuodaealáhaga mearis oaččut bargoealáhatlágádusat neahttabálvalusas. Dát gáibida sisačáliheami persovnnalaš dovdángaskaomiiguin, ovdamearkan neahttabánkodovddaldagaiguin.

Työeläke.fi-siiddu rehkenastiin sáhtát árvvoštallat boaresvuodaealáhaga meari almmá sisačáliheami.

Jus leat ássan dahje bargan olgoriikkain, sáhtát oažžut ealáhaga maiddái olgoriikkain.

Mii lea mu ealáhatahki?

Du riegádanjahki váikkuha dasa, goas sáhtát báhcit ealáhahkii. Vuolimus ealáhatahki lea dat ahki, goas áramustá sáhtát báhcit boaresvuodaealáhahkii. Bajimus ealáhatahki lea dat ahki, man rádjai sáhtát čohkket ealáhaga

Riegádanjahki	Vuolimus ealáhatahki	Bajimus ealáhatahki
1957	63 v 9 mb	68 v
1958	64 v	69 v
1959	64 v 3 mb	69 v
1960	64 v 6 mb	69 v
1961	64 v 9 mb	69 v
1962–1964	65 v	70 v
1965–	*)	70 v

*) Jagi 1965 ja dan maŋŋá riegádan olbmuid ealáhatahki nannejuvvo lagabus du ealáhatagi. Dat sáhtá badjánit eanemustá guvttiin mánuin guđege ahkeluohká guovdu

Työeläke.fi-siiddu ovdasiiddus lea rehkenasti, mas sáhtát geahččat iežat ealáhatagi

Barggus joatkin stuorruda du ealáhaga meari

Du bargoealáhat lea dađi stuorát, mađi guhkit barggat ja mađi maŋnelii maŋidat su sirdašuvvama ealáhahkii. Jus joatkkát bargama badjel vuolimus ealáhatagi, sáhtát stuorrudit ealáhagat fuopmášahtti lánhkai. Du ealáhat badjána guovtti vuogi mielde: dutnje čoggo bargojagiin ođđa ealáhat ja oažžut maŋidanbajádusa. Maŋidanbajádus lea 0,4 % mánus.

Ovdamearka: Bargoveaga ealáhat vuolimus ealáhatagis lea 1 800 €/mb. Son goittotge mearrida joatká bargoeallimis ja maŋida ealáhahkii sirdašuvvama guvttiin jagiin. Son oažžu bálkká 3 000 €/mb, mas čoggo ealáhat 90 €. Lassin son oažžu maŋidan bajádusa 181 €. Go báhcá ealáhahkii de su ealáhat lea sulaid 2 071 €/mb.

Ovdamearkkas geavahuvvon dietnasat ja ealáhat leat bruttošisabođu ja dain ii leat gessojuvvon vearru. Ealáhaga mearis geahpeduvvo vel eallináigegerddona váikkuhus.

Rávvagat ealáhaga ohcamii

Ealáhat sáhtta álgit áramustá ealáhatagi deavdima čuovvovaš mánu álggus. Seammá ohcamušain sáhtát ohcat ealáhaga sihke bargoealáhatvuogádagas ja Kelas.

Boaresvuodaealáhatohcamuša lea buorre dahkat sulaid mánu ovdal ealáhahkii báhcima. Ovdalgo du boaresvuodaealáhat sáhtta álgit, du bargogaskavuolta galgá leat nohkan.

Deavdde ohcamuša iežat bargoealáhatlágádusat neahttabálvalusas. Jus du iežat bargoealáhatlágádus ii fála elektrovnnalaš ohcama, sáhtát geavahit báberskovi dahje neahtas deavdinvaloš skovi, man sáhtta printet.

Jus ozat ealáhaga olgoriikkain Supmii dahje Suoma ealáhaga olgoriikii, geahča rávvagiid ealáhaga ohcamii Työeläke.fi-siidduin.

Sáhttago ealáhagas bargat?

Sáhtát bargat boaresvuodaealáhaga olis almmá dinenrájaid. Ealáhaga olis bargamis čoggo ođđa ealáhat gitta alimus ealáhatjagi rádjai. Muite ohcat ealáhagas dahkkon barggus čoggon ealáhaga alimus ealáhatagis, das go dat ii álgge automáhtalaččat.

Oasálaš boaresvuodaealáhat buktá soddjilvuoda

Oasálaš boaresvuodaealáhat (OVE) addá dutnje vejolašvuoda loktet oasi dutnje čoggon boaresvuodaealáhagas ovdal ollislaš boaresvuodaealáhahkii sirdašuvvama. Oasálaš boaresvuodaealáhaga lokten unnuda du ealáhaga bissovaččat, jus válddát dan ovdal vuolimus boaresvuodaealáhatagi.

Oasálaš boaresvuodaealáhaga ozadettiin sáhtát válljet, válddátgo čoggon bargoealáhagastat máksui 25 vai 50 proseantta. Sáhtát oažžut oasálaš boaresvuodaealáhaga áramustá 62-jahkásažžan, jus leat riegádan jagi 1964. Dađi nuorabuin ealáhatahki loktana cehkiid mielde bajásguvlui. Oasálaš áraduvvon boaresvuodaealáhagas mearridat ieš das, man olu barggat bargguid.

Árvvoštala ovddalgihtii rehkenastiin iežat oasálaš boaresvuodaealáhaga meari ja dan váikkuhusa maŋnelut boaresvuodaealáhahkii.

Bargoealáhat buktá dorvvu maiddái eará eallindiliin

Jus dus lea buohcuvuohta, vihki dahje váddu, mii eastá oalát dahje oassái barggu bargama, váldde čielgasa iežat bargoealáhatlágádusas vejolašvuoda bargoealáhatveajuiduhttimii, bargonávccahisvuodaealáhahkii dahje bargokarriearealáhahkii.

Bearašealáhat dorvvasta áigái bođu, go beallelaš dahje fuolaheaddji jápmá. Bearašealáhagat leat leaskkaealáhat ja mánáealáhat. Bargoealáhaga lassin bearašealáhaga sáhtta máksit maiddái Kelas ja ovdamearkan dáhpedorbme- ja johtalusdáhkádušas.

Työeläke.fi

- Siiddut fáallet vuodđodiedu ealáhagain ja ealáhaga ohcamis.
- Rehkenastiiguin sáhtát árvvoštallat iežat boahhtevaš ealáhaga meari.
- Čálit sisa iežat ealáhatdieduide: dárkkis bargoealáhatváldosis, čielggat du bargoealáhatlágádusa dahje oza ealáhaga.

Työeläke.fi



Eläketurvakeskus
PENSIONSSKYDDSCENTRALEN